




8.epigrafeak. Jarduera sailkatuak izapidetzeko zerbitzua, establezimenduen irekiera-baimenak eta baimen edo aurretiazko kontrolik behar ez dituzten jardueretan, legedi sektorialak ezarritako betekizunen betetzearen egiaztapena.

1. Tasa honen zerga egitatea jarduera edota irekiera baimenak eman aurreko zerbitzu teknikoak eta administratiboak ematea da, eta baita ere lokalen irekierarako aurkezturiko aitorten erantzuleen ondorioz eragindako ikuskaritza edo geroagoko konprobapen zerbitzu administratiboen prestakuntza.
2. Tasa hau dela eta, jarduera sailkatuen baimena eta irekiera baimena beharko dute honako establezimendu edota instalazio ez osagarriek:
 - a) Lokaletan lehenbizi instalatzen direnak.
 - b) Lekuz aldatzen diren establezimenduak.
 - c) Lokaletan egindako jarduera aldaketak.
 - d) Lokalen handitze-lanak.
 - e) Lokalik izan ez arren, jarduera ekonomikoa suposatzen duten instalazioak jartzea, aldatzea edo handitzea.
 - f) Jarduera sailkatuen lizentziak otsailaren 27ko, 3/1998 Legea aintzat hartuta, hau da, Euskal Herriko ingurumena babesteari buruzko lege orokorra.
2. Tasaren oinarri zergagarria lurzoruaren balioa da, hau da, Ondasun higiezinaren gaineko zerga kontuan izanda jarduera egiten deneko lurzoruaren azalerari dagokiona.

Oinarri zergagarria zehazteko, Hiri izaeradun lurzoruen balioaren gaineko zergaren balioak ezarriko dira. (Hiri izaeradun lurzoruen balioaren hazkuntza arautzen duen duen 4. Ordenantza Fiskalaren 8. artikulua).
3. Tributu-kuota honela ezarriko da: aurreko puntuan zehazturiko oinarri zergagarriari %6,32 ko karga-mota ezarrita. Edozein modutan, gutxieneko eta gehieneko zenbateko hauek jarriko dira:

Jarduerak	Gutxienez	Gehienez
50 m ² arteko jarduerak	391,40 €	581,51 €
51 m ² - 100 m ² arteko jarduerak	787,16 €	1.180,74 €
101 m ² - 200 m ² arteko jarduerak	1.562,57 €	2.343,86 €
201 m ² - 500 m ² arteko jarduerak	1.985,53 €	4.405,74 €
501 m ² - 1000 m ² arteko jarduerak	2.408,47 €	5.286,90 €
1000 m ² -tik gorako jarduerak	3.612,73 €	17.622,97 €


4. 3. puntuan aipatutako karga-motak %50eko igoera izango du Euskal Herriko Ingurumena babesteko, otsailaren 27ko, 3/1998 Legeak aurreikusten duen tramitazioari lotutako baimen-emateei dagokienean (sailkaturiko jarduerak), gainerako lizentziei dagokienez 3. puntuan ezarritako gainditu ahalko da.
5. Baimena eman baino lehen, edo, aurretiazko kontrolik behar ez dituzten jardueren kasutan, ikuskaritza edo geroagoko konprobapen lanak hasi baino lehen eskatzaileak atzera egiten badu, ordaindu beharreko kuotak %20koak izango dira, beti ere, erreferente moduan hartuta aurreko ataletan ezarritakoa, eta udal jarduera dagoeneko hasita balego. Gutxieneko tarifa ezartzen denean ere, berdin-berdin aplikatuko da %20ko kuota.



6. Tasa sortzen eta ordaindu beharra dago, egitate zergagarria osatzen duen udal jarduera hasten denean. Kasu hauetan, jarduera hasitzat joko da jarduera baimen ez sailkatuari edo sailkatuari dagokion irekiera baimena eskatzen den egunean, beti ere, subjektu pasiboak halaxe eskatuko balu. Aurkezturiko aitorten erantzuleen ondorioz irekitako lokaletan, zerga sortuko da ikuskaritza edo geroagoko konprobapen zerbitzu administratiboak prestatu ondoren.
7. Jarduera sailkatuen irekiera baimenak zergak sortuko dituzte 7.Udal Ordenantza honetako 8. epigrafearen kontzeptuagatik, kontzeptuok ez bikoizteko.
8. Establezimendua ireki bada dagokion baimena lortu barik, tasa sortuko da aipatutako establezimenduak bete beharreko baldintzak betetzen ote dituen egingo den udal jarduera hasten den unean. Nolanahi ere, eta aipatutako irekiera onargarria ez bada, establezimenduaren jarduera baimentzeko edo itxiera agintzeko administrazio espedientea bideratu daiteke gerora.
9. Ordaindu beharreko hori ez da ezertan aldatuko eskatutako baimena ematen ez bada edo baimena ematen bada establezimenduaren baldintzak aldatu behar izanaren baldintzapean. Halaber, ordaindu egin beharko da eskatzaileak atzera egiten badu baimena eman ostean, eta aurreko 6. puntuan ezartzen den kuotaren murrizketaren kaltetan izan gabe.
10. Tasatik salbuetsita egongo dira, ingurumen baimena behar duten industrien jarduera eta irekiera baimenen eguneratzeak.

II. Tarifak aplikatzeko arauak.

1. Establezimenduaren azalera zehazteko, unitate bakarra eratzen duen azalera guztia hartuko da kontuan.
2. Jarduera-handitzeak, handitze honen arabera zergapetuko dira.
3. Establezimenduetan sutea gertatu bada, aurri-zorian daudela deklaratu bada edo bestelako ezinbesteko arrazoiren batengatik establezimenduak lekuz aldatu badira, ez dira tasak ordaindu beharko jarduera espedientea bideratzeagatik edo irekieragatik, ez eta lege-aginduak edo lege-xedapenak betetzeagatik lekuz aldatu direnean ere, betiere leku-aldaketa ez bada gertatu Administrazioak ezarritako baldintzak ez betetzeagatik edo zehapenen batengatik, eta gauza bera egingo hiriguneko industriak udalerriko industria poligonoetara eramaten badira.
4. Irekiera-baimena eskatzen dutenei %75-eko hobaria emango zaie epigrafe honetako 4. tarifyan, baldin eta eskatzailea pertsona fisikoa bada edo lan ezan aurkitzen bada edo honako baldintza hauek betetzen dituen enpresa juridikoa bada:
 - a) Helbide soziala Durangon izatea
 - b) Zergak ordaindua izatea, gizarte segurantzakoak zein zuzenbide publikoaren gainerakoak.
 - c) Sozietatea eratu zen unean, langabetuen akzioez osatutako enpresak badira eta, gutxienez, akzio edo partizipazio guztien %50a badira. Jabeen Erkidegoen kasuan %50eko portzentajea aplikatuko zaie erkidegoaren kide kopuruari.
5. %50eko hobaria izango dute langileen seme-alabentzat haurtzaindegiak dituzten enpresak.
6. Lokala goitik behera berriztatzeagatik lizentzia berri bat tramitatu behar duten establezimenduen jarduera-lizentziak eguneratzeagatik ez da tasarik ordaindu behar izango.



7. Durangoko alde zaharreko eta gehienez 200 m² dauzkaten lokalek, beti ere aurreko urtean inolako jarduerarik eraman ez bada, tarifyan %90-aren hobaria izango dute.
8. Gehienez 200 m² dauzkaten merkataritza eta ostalaritza lokalek, %50 hobaria izango dute ireki-baimenak ematerakoan edo ikuskaritza administratiboa egiterakoan.